

NAMN på SAKA: Uttreden av Nordhordland revisjon IKS

SAKSVEDLEGG:

Utgreiing val av revisjonsordning, utført av Nordhordland Utviklingsselskap IKS
Kontrollutvalssekretariatet

Selskapsavtale for Nordhordland Revisjon IKS

Utskrift frå møta i kontrollutvala i Meland, Radøy og Lindås

Saksopplysningar:

Fellesnemnda har i sak 065/18 gjort følgende vedtak:

«Alver kommune vel å kjøpa alle revisjonstenester i marknaden.»

Vedtaket i fellesnemnda gjer at Meland kommune, i tråd med sine forpliktingar knytt til Selskapsavtale for Nordhordland Revisjon IKS, § 20 må varsle om uttreden. Dette skal skje eit år før samarbeidet ophører.

Lova sine rammer for val av revisor.

Kommunelova § 78, 3. og 4. ledd legg til grunn at det er kommunestyret som avgjer kva revisjonsordning kommunen skal ha og som vel kven som skal vere kommunen sin revisor. Kommunestyret sitt val av revisjonsordning og revisor skjer på grunnlag av innstilling fra kontrollutvalet.

Kommuneloven § 78 3. ledd

«Kommunestyret eller fylkestinget avgjør selv om kommunen eller fylkeskommunen skal ansette egne revisorer, delta i interkommunalt samarbeid om revisjon, eller inngå avtale med annen revisor. Vedtaket treffes på grunnlag av innstilling fra kontrollutvalget».

4. ledd

«Kommunestyret eller fylkestinget velger selv revisor. Vedtaket treffes på grunnlag av innstilling fra kontrollutvalget».

I samband med samanslåinga av Radøy, Meland og Lindås kommunar er det i tråd med Inndelingslova § 26 oppretta ei fellesnemnd for å samordne og førebu samanslåinga. Etter § 26 femte ledd kan fellesnemnda få fullmakt til å tilsetje revisor, vidareføre deltaking i interkommunalt samarbeid om revisjon eller vidareføre avtale med annen revisor. Utgreiing for val av revisjonsordning for Alver kommune

Inndelingslova § 26, 5. ledd:

«Nemnda kan få fullmakt til å tilsetje personale i den nye eininga. Dette omfattar også tilsetjing av administrasjonssjef og revisor. Tilsetjing av revisor skjer på bakgrunn av innstilling frå kontrollutvala. Nemnda kan òg få fullmakt til å vidareføre deltaking i interkommunalt samarbeid om revisjon eller vidareføre avtale med annan revisor. Tilsvarende gjeld for sekretariatet for kontrollutvalet. Slikt vedtak skjer etter innstilling frå kontrollutvala.»

Dei tre kommunane har i tråd med lovkrav ved søknad om kommunesamanslåing fatta vedtak om fellesnemnda si samansetting og oppgåver i møte den 22.06.17.

Det vart i møte vedteke at:

5 «Fellesnemnda får fullmakt til å:

5.5 gjere vedtak om val av revisor og sekretariat for kontrollutvalet, på bakgrunn av innstilling frå kontrollutvala, jfr. Inndelingslova §26 femte ledd, første punktum»

Kontrollutvalet i Meland kommune har i tråd med KommuneLOVA § 78, i kontrollutvalet sak 41/18 «Val av revisjonsordning Alver kommune» gjeve uttale til fellesnemnda sin sak 065/18 og tilrådd Alver kommune om å kjøpe alle revisjonstenester i marknaden.

Framlegg til vedtak:

Kommunestyret vedtek å tre ut av Nordhordland Revisjon IKS frå og med 1.1.20